


U BUPĒLELĒSYE

 . . . Kangi ukuya apa ukwiputa palikimo na umwe. Kangi lilino itolo boyikāli i Ndumi, une ndi nu mwinangu unnunu apa pa kigemo ikilo iki, Dokotala Lee Vayle, ukufuma i kipanga kya First Baptist ku Lima, Ohio, yūyo āli yumo mwa bahōmbi bāngu ku lukomano lwa ku Lima. Une nālindalusisye umwene, ukusuluka ikilo iki, linga umwene akābagīle itolo ukuyoba i lisyu ku kilundilo, lumo ukufwāna nu lukomano lwa ku Lima, kuli akabalilo kamo akakōnge pamo tubili. Kangi une nhobwike, nhobwike ukumfumusya kwa umwe ikilo iki, Dokotala Lee Vayle, uyūngi um'Baptisti uyu alinagwe Mbepo Mwikemo. [Ubuyo busitakandu pa tepi—Nsimbi]

² Ameni. Kyalā akusaye ugwe, Nkundwe Vayle, nūgwe.

³ Kila kyāli lōsa nalōli kyamaka kuli u ntimi gwa Baptisti, bule ikyēne? Ena, uswe tuli basangaluke fiyo ukuya nu Nkundwe Vayle na uswe. Kangi naloliloli ififigo figwike kuli umwēne ukugomokela nukutuyātīla uswe akabalilo kalikosa umwēne abagīle. Kangi lilino ikilo iki . . .

Kilabo nkilo lyo i—*U Kubīkigwa-mwīpumba* kwa Ntwa Yeso.

⁴ Pandungu ndubunju bo bubōmbēlo bwa kupānda-kwalisuba kwa sala ya ntāndātu. Kangi une ngwitika u nkundwe afumwiisye ikiyabo ikyākukīndilila ikya lukomano.

Lilino unko uswe twipute itolo pa kabalilo.

⁵ Nsayigwa Ntwa, i Lisyu Lyako lyo Bwanaloli, kangi uswe tukupalisya panongwa ya nnyambala uyu ikukolelela Ilyēne, nsitalutende, mumo abene bikupa Ilyene ku bandu. Kangi bo uswe tukwigula i Bangeli ikilo iki, pamo ukusanukila ku mani Gake, u Mbepo Mwikemo alisaga nu kwigūla i Lisyu lya kupilikisya kwa uswe. Ukwisila mwa Yeso Kristi, uswe tukusuma ikylene. Ameni.

⁶ Ikilo ikikulumba iki iki uswe tukusekela, isya kukomeligwa kwa Ntwa gwītu unsayigwa, Une ngulonda ukubala ikilo iki ukufuma ku milomo Gyake Mwene imipala, a Masyu aga Umwene apelile gasimbigwe mwa Buku Gwake. Mwa Mwikemo Matai, untu gwa 4, uswe . . . kangi ilinandi lya 47 ni lya 48, uswe tukubala iki:

Kangi linga ugwe kuponia abakundwe bāko bēne, fyō fiki kubōmba ugwe ukikīnda abāngai? Ngimba bōpe abāpānja batikubōmba lululo?

Lōli muyege umwe polelo bapēlelēsye, nūmwē na mūmo u Tāta gwīnu uyu ali ku mwanya mpēlelēsye.

⁷ Kangi ikilo iki uswe tupele panja ukuti uswe tukuyobaga pa kimanyisyo kya *Bupelelesye*. Lilino uswe . . . Ako kakuboneka

kasimbo kahësya fiyo ukwëga kuli ikilo kya bukomeleligwe bwa Ntwa gwïtu. Lôli umwisyûgu, lumo, umwe mukupilikîsya aba rediyo, kangi mwâpilîke indumi isyakukindana na batumigwa, mûmo abêne bätwéle i lisiku ilikulumba ilisisya akabalilo kâko u Ntwa gwïtu âfwîle panongwa ya mbîbi sya kîsu. Polelo une nsalile, ikilo iki, ukubuka ukusyungutila injila ingîndane, ukuti tufike ku yene, popâpo ikyêne kikuyaga kanîni kikîndâne kangi kibagîle ukupûpwa umwe pa kanîni. Kangi u Mbepo Mwîkêmo unsayigwa ali pûtilâga i Lisyu lilino bo uswe tukwëga ubwîyûle ukutwâla Ilyêne.

⁸ Kyala ikulônda ubupêlêlêsyê. Uswe tukulônda ukupâpa ikyo mu linogôno, ukuti kilipo nakimo itolo njila ya kayabo kibagîle ukwîngîla mu Kuyapo kwa Kyala. Ikyêne kibagîle ukuya kipêlêlêsyê, bwîpûti bwïtu, kilikyôsa.

⁹ Lilino, mu ngunda gwa Edeni, Kyala âli na Adamu na Eva mu ngunda. Kangi abêne balyônenge kangi bâkilènie i ndagîlo sya Kyala, ukwîsila mu kônânga, lusâmbuko. Kangi akabalilo kâko ulukilanio lukwîsa, lusâmbûko lo lukilanio lwa lulagîlo. Kangi ululagîlo lwa Kyala, Umwêne ukuya mwikemo, itolo nsitakubwapulîgwa mwîkêmo, polelo nakamo akatôndobya ka busitawîkêmo kabagîle ukwîma mu Kuyapo Kwâke. Polelo, linga ubutulwanongwa bwâlisîle nkîsu ukwisila mbutulwanongwa, polelo ubutulwanôngwa bukufîmbilisîgwa ukufûndigwa boakâli untulwanongwa ukubagîlâmo siku ukwîma mu Kuyapo kwa Kyala.

¹⁰ Lilino, linga lukayako u lulagîlo nalumo, polelo kukayako ubugolofu. Lôli u lulagîlo lwâlôndâga, pamo u bugolofu bukkulôndigwa u lulagîlo. Kangi u lulagîlo, akabalilo kâko ulwêne lo—ulwêne lo lukôleligwêpo, ulwêne lukosôsyâ-pânja u bugolofu.

¹¹ Lilino, ukwisila mu lulagîlo, nagumo u mbili gupôkîgwe. Lilino, u lulagîlo lukabagîla ukutupoka uswe. U lulagîlo lwâli itolo kîndu iki kyâbîkâga uswe mu minyololo, lôli ikyêne kikayanago nagamo a maka gâkutabulîla. U lulagîlo itolo lwâtunângisyâga uswe ukuti uswe twâli batulwanongwa, kangi lwatutobesyâga uswe. Ikyo kyo iki u lulagîlo lubagîle ukubômba. Ulwêne ko kutwâla ubutobesigwe, pamo ukunângisyâ ugwe pâpo ubusobi bwâko bulipo. Popâpo u lulagîlo, mu lwêne, lukâbagîle u kupoka. Ulwêne lwâbagîle itolo ukustâka.

¹² Kangi Kyala, ukuya mwikemo kangi ngolofu, Umwene aafîmbilisîgwaga ukuya nu kustâka. Umwêne âfîmbilisîgwâga u kustâka u ntulwanôngwa panongwa yakuti umwêne âkilènie i mipaka gya ipyâna, kangi âlisîle ukuya mwenekîsu umbongotola-ndagîlo. Polelo, umwêne abagîle ukufûndigwa.

¹³ Kangi u lulagîlo lulilôsa luli nu lufûndo, namânga, u lufûndo lwa kukilania u lulagîlo lwa Kyala bo bufwe. Kangi ulwêne lwâfîmbilisîgwâga ukutwâlapo ubufwe ku luko lwa bûndu.

Kangi uluko lōsa ulwa bündu luli pāsi pa lufūndo lwa lulagilo ulu.

¹⁴ Lilino, akabalilo kāko Adam na Eva bātulilw'inongwa, yikālipo ni njila nayimo, nagumo unkota ugu abēne bābagilemo siku ukwīma mu Kuyapo kwa Kyala kangi, pene pāpo ubutulwanongwa ubu bukufūndigwa. Kangi nayumo u mündu abagile ukutulwa ubutulwanongwa bwa luko lulilōsa, kisitakupāsyā bo bunīni bulebule pamo bo bunywāmu bulebule, ubutulwanongwa pabwēne bula bukufimbilisigwa ukufūndigwa boakāli yula āsulilwe ubwēne ukubagilāmo siku ukwīma mu Kuyapo kwa Kyala Mwīkēmo.

¹⁵ Popāpo, polelo, akabalilo kāko Adam na Eva bātulilw'inongwa kangi bākilēnie u lulagilo, abēne bāli bīlāmbike ba bufwe. Kangi ululagilo lwafimbilisigwaga ukubōmbeligwa, polelo ulwene lulinkubika uluko losa lwa bandu pasi pa lufūndo lwa bufwe. Lilino linga uswe tubagile pēne ukusēngāma pāsi kuli utubalilo utunīni, mu bwīnogōnelo bwītu, kangi kēta ikibonesyo ikikulumba iki, kangi kumbukilāga ukuti u mündu aligwēsa apa abikīgwēmo mu iki. Aligwēsa u nnyāmba nu nkīkūlu, mwānīke, alimo mu lufūndo lwa bufwe, ukwīsila mu bukilanio bwa mutu gwa luko lwa bāndu, Adam; ukwīsila mu bukilanio bwāke, aligwēsa gwa uswe tulinkugwa batolwe ba butulunongwa.

¹⁶ Kangi ubutulwanongwa bukufimbilisigwa ukufūndigwa. Kangi polelo, Kyala, mu Bwake ubukulumba ubusitam-paka kangi ulugano Lwake ulukulumba...U lulagilo lwabagile ukupāgūlania untulwanongwa ukufuma mu Mpeli gwake; polelo umwēne alinkwisa ukuyōngesigwa, kangi lōsa ukuyongesigwa, pakābagile ukuyapo i njila nayimo kuli umwēne ukugomokelāmo siku mpaka ubutulwanongwa bula bwāfūndigwe. Kangi ikylene kikuyaga kipepe fiyo polelo ukwitika mu bupyuto lōsa bwa ntulwanongwa kubumalikisyo, kabuno umwene ali lōsa, kwabwīlanabwila apāgūligwe ukufuma ku Kuyapo kwa Kyala.

¹⁷ Lilino kētēsyā ubutulwanongwa ubu. Kangi mumo Kyala, ukuya ngolofu, kangi Umwene abagile ukubomba nakimo ikingi lōli ukuya ngolofu, kabuno Umwene yo bufume bwa bugolofu bōsa, polelo pala pakābagile ukuyapo nakimo ikingi kuli Umwēne ukubōmba lōli ukubika ulufūndo kuli ulukilanio ulu. Kangi ulufūndo lwāli bufwe, namanga Umwēne āyobile, "Ilisiku umwe mukulya ukufuma kula, ilisiku līla umwe naloliloli mwīsa kufwa." Lilino, ikylene kyo kifwāni kyangisi iki uswe tulinakyo apa.

¹⁸ Lōli polelo linga uswe tukugomokēla itolo panini pabutalipo, nukufyāgānia ifyakubagilīla filafila ifya Kyala, i Bāngēli pabwelu likutubūla uswe ukuti "Kyala yo lugano." Lōli pōpe, ukuya lugano, Umwene ikufimbilisigwa ukuya

ngolofu. Popāpo, lugano lutikusanusya itolo i kīndu iki kibagile ukufugigwa nu kwāngasigwa. Lugano bo bugolofu bwa Kyala.

¹⁹ Lilino, akabalilo kako Kyala aketege ukuti abana Bake bākilēnie ululagilo Lwake, kangi ukuti abene bikufimbilisigwa ukufwa ubufwe, polelo ulugano lwapasima lulinkwīngililapo ukupela injila. Namanga, Kyala ākētīle ukuti abāna aba babagile ukuya naloliloli, lōsa bapyūtīgwe ukufuma mu Kuyapo Kwāke. Pakālipo nakimo ikīngi ukubōmbigwa, kabuno abēne bākilēnie ululagilo Lwāke, kangi u lufūndo lwa lulagilo Lwāke lwa bufwe.

²⁰ Kangi polelo u lugano lwa Kyala lwābūkīle panja ku bāndu Bāke. Kangi akabalilo kāko u lugano Lwamwakyala lusōsigwe, ilipyāna lyapasima likutwāla ikīndu kya lugano. Kangi Kyala, ukwīsla mu kumanyila-ngāni, akabalilo kāko Umwēne āganīle u luko Lwāke kanunu fīyo; napāpo, nu lufūndo, Umwēne ātēndike u bufwe bwa lwīngisyēpo ukuboneka mu ngūnda gwa Edeni. Bula bwāli, Umwēne āpyānikisyēpo i kipeligwa ikisitabusobi, akanini akang'osi aka kakāmēnye nu butulwanōngwa nabumo, kangi akēne kābūkīle kuli ikyākupyānikisyāpo, ukubōmba kangi ukufwa mbuyo bwa ntulanōngwa untobesigwe yula. Kangi akene kaali kang'osi, kapyutigwe, ukukolelela ubumi bwa abīlāmbīke Bake.

²¹ Mōsa ukukīndāmo mu Lwītīkāno Ulukūlu abēne bāpēle ililopa lya tung'ōsi ni mbene, ing'osi, ingāmbako ni ngwāta, u bufwe ubwakyākūmīlilāpo. Lōli, mōsa mu fyūma ifikulumba ifya Kyala, kwāliko ku nyuma mu līnogōno Lyāke i Kindu ikyanaloliloli ukwisa, iki kyābagīle ukuya...Fila fyāli misyūngulu gya Kindu ikyanaloliloli iki kyāyaga pakwīsa. Kangi i Kindu ikyanaloliloli iki kyayaga pakwisa, āli Mwanundumiana Gwake umpapigwe. Bosa abakang'osi aba bafwiile bāli itolo nsyungulu. Kangi u nsyūngūlu go itolo lubafu lwakyākūmīlilola kya kīndu kilikyōsa. Kangi ifyēne itolo fyāyobāga isya Kalivari ikwīsa.

²² Lilino ku ikifwani kya iki, unko uswe tusanukile mwi m'Mabāngēli gītu, ku Būku gwa Bahiburi, nu kupimba apa iki Pauli, u ntumigwa unkulumba ikuyoba, ukugela ukupagūlania ifindu ifi kuli uswe. Mu ntu gwa 10 ugwa Buku gwa Bahiburi, uswe tukubala iki.

²³ Kangi une itolo ndiganīle i Lisyu! I Lisyu lyo Bwanaloli. Kangi une ngulonda ukubala Ilyene pankyeni pa kilundilo kyangu, panongwa yakuti une mmenye ukuti mu bulongi une ngwisakwima na bene. Kangi une ngufimbilisigwa ukupa inongwa. Polelo linga une ngutwala Ilyene ukufuma ku Lisyu, polelo une ndisa kuya ntobesigwe; panongwa yakuti Ilyene lyo Lisyu, kangi Kyala yo gwakumelelīgwa gwa Lisyu Lyake.

²⁴ Uswe tukukēta fīngi fīyo umwīsyūgu, ifya basasania-nōngwa na fyōsa bo ifyo, ukuyēnga mmwanya ukusyūngūtila a bāndubamo. O, ikyene kyo kindu kyasoni! Kangi uswe

tukusyāgānia, mukubūka mfipanga, uswe tukubūka nkipanga kangi ugwe kwāga u ntimi yumo, umwēne alinako kamo akabōmbelo akanini akahēšya ukusyūngutula umwēne, akiyēgēlo kamo akanini. Linga umwe mutikukētēšya, ikilundilo kyosa kisakwegaga u mbepo yula. Linga umwēne yo itolo gwakatima kanini, pamo ukwīyugānia untu gwāke, pamo kimo ikinini ikīndu ikikīndāne, ena, i kipanga kyosa kisakwegaga pa ikyo. Kangi uswe tulinakyo, umwīsyūgu, mu fipānga fyītu ifyālino, kūko ikyēne bo fyākūpīlika kangi utūndu tunini bo utu. Kangi ikyēne kyo kifikile mu bufuluganike bo ulo! Lōli, o, bakundwe bāngu baganigwa, linga kālīpo akabalilo aka uswe tukulōndīgwa ukuya pa Lisyu, akēne ko umwīsyūgu!

²⁵ Umwe muketile, une mbagīle ukubēnga ukwīma ku bulōngi nu kumanya ukuti une nālinako kimo ikinini ikindukimo kyabwālangāni ikya busetuli ubunini ubuhēšya, kangi nābayōngīšye abāndu. Une ndikulōnda abēne ukuya nu mbepo gwāngu pa kabombelo kāngu, lōli une ngulōnda abēne ukuya nu Mbepo gwa Kyala ukwīšila mu Lisyu lya Kyala, uyu ikutwāla u Bwānalōli.

²⁶ Popāpo pa buboneke ubukulumba ubu ikilo iki, une ngulōnda ukubala ukufuma ku Lisyu Lyāsyēpwa lya Kyala. Lilino uswe tukusyāgānia ukuti u lulagilo lwālīko ku fyīnja fīngi, lōli u lulagilo lukāsōšīsyēmo siku ubutulwanōngwa. Mumo une njobile iyolopu, iyēne yāli itolo nyumba ya baminyololo. Ulwēne lwālī nkētēsi unkulumba uyu ākubūlāga ugwe iki ugwe gwābōmbile, lōli gwālinago nu nkota nagumo ukubūmbulūšya ukubānga ugwe. Ulwēne lwākubīkile ugwe mu lilūka-lyakūlišya, lōli pakāli u Ntabuli nayumo ukukusōšyāko ugwe, nu lwēne. Ulwēne lukupinya itolo ugwe, ukukuleka ugwe umanye ukuti ugwe gwe ntulwanōngwa. Lōli lilino kētēšya mu Bahiburi, untu gwa 10, bo uswe tukubala.

Kabuno ululāgīlo lukuya nu nsyūngūlu gwa findu ifinunu ukwīša, kangi komma ikifwani kilakila. . .

²⁷ Kumbukila, ulwēne lwālī nsyūngūlu gwa kifwāni ikyākūwīša. U nsyūngūlu itolo gukufumūšya ukuti kilipo i kifwāni kikupela u nsyūngūlu. “U nsyungulu gwa findu ifi fikwīšaga, kangi komma ikifwani kilakila.” Ketesya, “ifya findu. . .”

. . . i kifwāni kilakila kya findu, kikabagilāmo siku na gala amakemo gāgo gālī gāpēgīgwe. . . nukukīndīlīla kikupela u gwākūwīša ku bupēlelesye.

²⁸ Lilino, Kyala, ku bwandilo, ālōndāga ubupēlelesye. Yeso, akabalilo kako Umwene ikwīša ku kisu, alinkuti, “Yaga umwe bapelelesye, bo yu Kyala ku Mwanja mpelelesye.” Kangi u lulagilo, ukuya nu nsyūngūlu gwa findu ifi fikwīša, lukābagilēmo siki ukupela u mwīpūti mpelelesye. Umwe mukupīlikīšya ikifwāni? Lilino unko uswe tubuke ikyēne kāngi ukuti umwe mwīšakuyaga basisimikīšyi komma ukupōndwa

ikyēne. Kyala ikulōnda ubwīkémó ubupelelesye. Nayumo abagīle ukwīma mu kifwāni Kyāke, na kapatu kanini ka butulwanongwa. Yeso abīkīl'ubukēti kilakila, kangī alinkuti, “Yaga mpēlelēsye, itolo bo yu Kyala ku Mwanya mpēlelēsye.”

²⁹ Kangī i Bāngēli lyāyobile ukuti, “U lulagilo lukābagīlēmó siku, na makemo gāke, ukupela ugwākwiśa ukuya mpēlelēsye.” Polelo, u lulagilo lukābagīle ukupelelesya kalikōśa. Ulwēne lwāli itolo lusosōli. Amakemo aga, gatēndekigwe ikyīnja kilikyōśa, gakābagīlēmó siku ukupela u mwīpūti mpēlelēsye. Popāpo lelo, nayumo pāsi pa lulāgīlo, pamo ukukyūnga kwa ndagīlo, pamo pāsi pa misyūngūlu, ābagīle ukuya mpēlelesye.

Kabuno (ilināndi lya 2) *polelo āngāli ifyēne fikīma
mma ukuya fyāpēgigwāga? . . .*

³⁰ Linga kalipo kalikosa aka une mbagile ukubomba ukwipela nimwene ukuya mpēlelēsye mu Kuyapo kwa Kyala, polelo Kristi akāfimbilisigwāga ukufwa kuli une. Linga kilipo ikindu kimokyēne iki ugwe ubagīle ukubōmba, ikyo kyabagīle ukubagilila kalikōśa mu Kuyapo kwa Kyala, polelo Kristi āfwīle paitolo. Nakumo ukukyūnga-ndagīlo, nasimo ifūndo syandagīlo sya ugwe, nakumo kwa bwīkémó bwāko bwāgwīmwēne, nafimo ifīndu ifi ugwe gwābagīle ukuleka ukubōmba, ukuleka ukusyōba, ukuleka ukuhīya, ukuleka ukukwēśa ingāmba, ukuleka ukubūka ku fibonekesyo fya mafilimu, pōpe ugwe uyōngīle. Nakimo kibagīle ukubōmba ikyēne! Ukwīngila ifipānga, inyīho, isekelo, amalōśyo, imbātiko sya kipānga, ukubala kwa fimanyisyo, ukuyoba kwa nyīpūto, fyōśa ifīndu fila fisakubaligwa nakimo. Ugwe gwe uyōngīle! Komma ikindu kimokyene ubagīle ugwe ukubomba mwa gwimwene, kabuno ugwe uli ntulanongwa pasi pa butobesigwe. Kangī yikayapo ni njila nayimo nkati mwa gwimwene, pamo ikimanyisyo kilikyosa, pamo kalikosa aka ugwe ubagīle ukubomba pamo ikwīnagonapo, ka gwimwene, ikyo kibagīle ukubagilisya ikindu kimokyene mu Kuyapo kwa Kyala, panongwa yakuti ugwe gwe ntulwanongwa ukwanda itolo.

³¹ Kangī i Bangeli likufumusya, ukuti uswe twesa twāpapīgwe mu butulwanongwa, twabumbigwe mbusāmbūke, ukwiśa nkisu iki tukuyoba ubusyobi. Kangī Kyala akābagīle ukwēga u mūndu yumoywēne ukufwīla uyūngi, panongwa yakuti yumo yo itolo ntobesigwe bo u yūngi. Mu Kuyapo kwa Kyala, u bishopu-nkulumba āpāpīgwe nkisu iki āli itolo ntobesigwe bo yi mbwēle yapāsi ya kukilabu mu kāya. Yumo akabagīla ukuhōmbēla u yūngi.

³² Polelo, Umwēne ālyēgīle ubūmi ubusitabusobi ubwa kinyamana, akang'osi akanini. Kangī pāsi pa Lwītikāno Ulukūlu, u lulagīlo lwāli, akabalilo kāko u mūndu ātulilw'ionongwa, umwēne ātwēle a kang'osi ku kigemo. Yoba linga umwene ākilēnie kilikyosa ikya ngomelesyo, umwene

alinkutwala kang'osi kangi umwene alinkukabika akene pa kigemo, umwene alinkubika amaboko gake pa kang'osi kangi umwene alinkulata imbibi syake, ukuti umwene ali nsobi kangi amenye ukuti umwene ali ntobesigwe. Ikyā...kangi āli... U lulāgilo lwālōndāga u bufwe. Kangi umwene alinkutwala u kang'osi mbuyo bwāke. Kangi akabalilo kāko umwene...I likosi lwa kanyamana kanini kala lyātumuligwe, kangi akene kalinkwānda ukubāya utulūndi twāke utunīni, nu kukoloma. Linga ugwe umbwēnemo siku u kang'osi ikukekigwa, ku kukūta ukupelakisa kuki! A kīnītu akapelakisa akanini ukugela ukukuloma, kangi indepa yapalikosi innīni yikutumuligwa. Kangi umwene ikubāya nu kwīkīnya, kangi bo umwene ukwībālūla pānja, polelo ikwīkīnya kāngi kangi ikukuloma, kangi i lilopa likōnēka, ilyēne likōsya ulusyōya lwāke ulunīni na maboko ga mwīpūti.

³³ Kangi bo u mwīpūti ikusyāgānia, panongwa ya kusulwa ubulogwe, panongwa ya kusyōba, ukuhīya, kilikyōsa u butobesigwe bwāke bwāli, pamo kōpe ukwīnogōna ububībi, kilikyōsa ikyēne kyāli mu nsyūngūlu unnāndi-fīyo, umwene āli ntobesigwe, panongwa yakuti ikyēne kyāli kipeligwa kyāke. Umwene āli mūndu untobesigwe, komma lumo panongwa ya kinyonywo, lōli ukwisila mu kipeligwa umwene āli ntobesigwe. Kangi umwene āfimbilisigwāga ukusyāgānia ukuti aka akasitabusobi akanīni akang'ōsi kafwīle mu buyo bwāke. Kangi umwene ālipilike gwakusulumania kuli akāndu akanīni aka.

³⁴ Loli u nnyambala, mbimbibi itolo bo kang'osi kubumalikisyo alinkufwa, ni lilopa lya kang'osi pa maboko gake, umwene alinkwēnda ukufuma ku kiyumba ni kinyonywo kilakila mu ndumbula yāke, iki umwene āli nakyo ku bwāndīlo. Fiki? Panongwa yakuti ubumi ubu bwaali mwa kang'osi unnini... Ubumi bulambalele mwilopa. Ubumi bwako buli mu lilopa lyako. Uswe tumenye ikyo. Kangi ubuumi mu lilopa lya kang'osi bwāli buumi bwa kanyamana, polelo akabalilo kāko utumbakasya utwāke utunīni twākonyoligwe kangi u būmi bulinkubūka panja pa kanyamana kala, liyēne likaabagiile ukugomokela ku mwīpuuti, panongwa yakuti u mwīpuuti aali munda.

³⁵ I lilopa lyātēndike u kukupilila, lōli ilyēne likābagile ukuhōmba nubupēlelēsyē; kabuno u nnyāmbāla yula āsōkilēmo mu kiyūmba, na kilakila i kinyonywo ukutulw'inōngwa, bomūmo umwene ābōmbīle mbuyo bwākwānda. Lōli, ukubōmba iki, umwene āgūlilāga ku kabalilo kāko pīsakuyapo u Kang'ōsi umpēlēsyē ukwīsa. Kangi umwene ābombīle ikyene pa kyabupi ikyakokya, panongwa yakuti iyene yāli yo njila yene iyi umwene āyimenyemo.

³⁶ Popāpo, umwe muketile, akabalilo kāko ililopa lyōnekaga, kangi ubūmi bwābūkīle ukufuma ku kanyamana, ilyēne likābagīle ukugomokela ku nnyāmbāla yula; kabuno, kimo kyāli

kinyamana, kimo kyāli mūndu; ikinyamana ikisitabusobi, ku mūndu untobesigwe.

³⁷ Loli, o, i lisiku limo, ifyinja maelifu mabili ifi fikindilepo, u Kang’osi gwa Kyala aapapigwe pasi nkabaga akanini mu Betelehemu, kang’osi alóngosigwe ngati ng’osi ku bubōligwe bwāke. Ifyinja bamia kalongo-na-lwele-na-yumo ifi fikindilepo, pamusi apa, pa sala ya butatu iyi Umwene āfwīle. Kang’osi unsitalitōndobya, unsitakasolo u Kang’osi gwa Kyala ātulikigwe pa kipīngika kya Kalivari nu kufwīla untulwanōngwa aligwesa. Lilino akabalilo kako umwiputi ikwisa kwa Kang’osi uyu, nu lwitiko! Kang’osi uyu yo luko ulukindane lwa Kang’osi. Ikyene kikaya Kang’osi bo u yungi.

³⁸ Nayumo umundu abagile ukwisa ku Kang’osi uyu, pene papo Kyala ikunkwaba umwene tasi. Umwe mukuketa ubwapasima bwa Kyala? O, une ngusubila iki kikwiyubika kubutali pasi mbusolufu lilino. Keta. Kyala aamenye Umwene aali ni ng’osi nkisu iki. Umwēne āmēnye Umwēne āyāga pakuya na bāndu abakuya bākupokigwa, kang’osi u lugano Lwāke lwākētīle pāsī ku babona bala bābo bābagile ukupokigwa; polelo, ukwisila mu kumanyila-ngānila, Umwēne āsūngwīle-ngānila i Kipanga ukwagana nu Mwene kula, kisita litōndobya pamo ulukinya. Kang’osi linga Kyala ālōndāga i Kipānga kisita litōndobya pamo ulukinya, Umwēne āfimbilisigwāga ukuya ni kindukimo ukupela ikyēne injila yila. Umwēne akābagile ukulōnda ikyēne, u bugolofu Bwāke, amabulōngi Gāke gakābagile ukundeka Umwēne ukulālūsya ikīndu bo ikyo linga yikālīko injila ya kutēndēka ikyēne.

³⁹ Kang’osi umundu akabagila ukubomba ikyene pa mwene. Umwene yo ntoligwe kubumalikisyo. Kyala ālitikīsyē umwēne ukukēta kila ukwisila mu lulagīlo, ukwisila mu balongi, kang’osi ukwisila mu lōsa Lwītīkāno Ulukūlu. Umwēne aatumile abasololi, Umwēne aatumile umundu umwikemo, kang’osi abēne baasyagenie ukuti aligwesa aatoligwe.

⁴⁰ Popāpo, Kyala, ukwisila mu lipyana Lyake ilyapamwene, alinkutuma, ukufuma pa fifigo fya Lwimiko, u Mwanundumiana Gwake ummwagigwe ntiga, ukwega ubuyo bwitu.

⁴¹ Kumbukilāga, linga Umwēne abagile ukuyoba kuli u pāpa gwa Roma ukwēga ikyēne, umwēne akābagile ukubōmba ikyēne. Linga Umwēne ābagile ukuyoba kuli i bishopu-nkulumba gwa Cantebury ukubōmba ikyēne, umwēne āngālī akabōmba ikyēne mma. Linga Umwēne ābagile ukukōlelapo tāta umwīkēmo unjindikigwa ukukīnda pamo u bishopu gwa kīsu, umwēne āngālī akabōmba ikyēne. Umwēne āngālī ikuya itolo bo pabutali apīkigwe bo Yudasi Isikarioti āli. Umwēne akābagile ukubōmba ikyēne, panongwa yakuti umwēne “āpāpīgwe mbutulwanongwa, ukubūmbīgwa mbusambuke, ukwisa ku kīsu iki ikuyoba ubusyobi,” kang’osi afūmbwaga uluhobokelo kuli mwēne.

42 Aleluya! Loli pala palinkwisa Yumo ukufuma ku fipata fya Lwimiko; nakimo ikingi, komma unnyāmbála, komma unnyāmbála unnunu, nayumo uNjuda napamo u Gwāpanja. Umwēne akāli nakimo kyakusyālako ukukinda Kyala Mwenemaka, afisigwe mu nyōfu gwa bundu. Umwēne ālisile, Mwēne, ukupa i Lilopa Lyāke Lyēne, kabuno Ilyēne likaalisile ukwisila mu kugonana. Kugonana kwali nakyo nakimo ikyakubōmba ni kyēne. Lōli Umwēne ākupililile umfunde, nukutwāla panja ukufuma ku kapatu ka Lilopa aka Umwēne āpelile, Mwēne, u nsitabusobi Yula.

43 Polelo ubupoki bwāngu, ubwāko, ikilo iki, butikukitikigwa pa fyakubagilila fya mbombo syitu twibēne. Ubwēne bwālikitike pa ilyānalōli ilyapabwibwēne ilipyāna lya Kyala Mwenemaka Yūyo atusalile uswe mwa Mwēne. Naloliloli. Une ngābagile ukuya mpēlelešye, pamo ugwe ukābagilemo siku ukuya mpēlelešye. Kangi uswe tutikwikōlēla ukuya bapēlelešye. Lōli uswe tuli nalo ulusūbīšyo ulu, ukuti, u lwītiko lwītu lukwīgēmekēšya mu Likemo ilipelešye ulu litalile lyāmbililigwe!

44 Polelo ngimba uswe tukumanyaga bulebule ukuti uswe tukukyaga Ikyo? Akabalilo kāko mwiwiputi ikubika amaboko gake, nu lwitiko, pa mbili gwa Ntwa Yeso, nu kwipilika nu butilise bwa butulwanongwa, kangi i kyūgila kya fyākufunya mu kišyo Kyāke Mwēne, ikwīpilika ingoloma sya Getisemane, ububabe bwa Kalivari, kangi amēnye ukuti umwēne atobesigwe, nu kulata imbibi syāke nubutalusi, “O Nsayigwa Ntwa, une ndi ntobesigwe. Kangi une ngaya nayo injila iyingi loli Ugwe ukundula une. Kangi nu lwītiko... Ugwe kubilikila, u Mbepo Mwīkēmo, īsile kangi ikubilikila une ukwīsa. Kangi une lilino, nu lwitiko, ngwītikisya Yeso ukuya Mpoki gwangu gwa nimwene.” Bula u Būmi ubu bwīsile ukufuma ku Mwēne pa Kalivari, bukukōlelīgwa Mbepo Mwīke, ubu bwāfisigwe mu kambakāšya ka Lilopa lya Ntwa Yeso, bukugomokela ku mwīpūti nu kumōšya umwēne na Mbepo Mwīkēmo, nkati mu Mbili gwa Kristi.

45 Kangi Umwene alongigwe atalile. Umwe mutikufimbilisigwa ukupašya isya bulongi. Bo une ngusyumbutuka nukuketa pa kipingika ikinini, une ngusyagania ukuti ikyo kyo...kikwimila u mbili Gwake. Kangi lilino u mbili gula gutalile gulōngigwe. Kyala akabagila nubugolofu ukugulōnga ugwēne kangi, kabuno ugwēne gutalile gulōngigwe. Kyala ātikile u bulongi bwa bufwe pa mbili gula. Kangi akabalilo kosa aka une mbagile ukuyaga injila iyakufisigwa mu mbili gula, Ubulōngi Bwāke bwatikigwe kuli une kangi kuli ugwe. Uswe twe bābūke! Baroma 8:1, āyobīle, “Polelo lilino bukayapo nabumo ubutobesye kwa bene aba bali mwa Kristi Yeso, aba batikwenda ukukongesya umbili'mma, loli ukufuma Mbepo.” Mwaketa lelo umwe, nakamo ukutāgigwa! Une ndikupašya iki kikwīsa pamo

iki kikubūka, ugwe gufisiḡwe pāsi pa Lilopa.

⁴⁶ Kangi, ngimba uswe tukufikaga bulebule mu Mbili gula? Bakorinti Bakwanda 12:13, ikuyoba ukuti, “Nu Mbepo yumoywene!” Ngimba u Mbepo ikwīsa bulebule? Ukwisila mu Likemo. Ngimba u Mbepo aalambalele kugu? Nkati mu Lilopa. Nongwa ya fiki ikinyamana kikaabagiile ukugomokela kunyuma? Ikyeene kyaali kinyamana. U mbepo gwa kinyamana gukābagile ukwīsa ku mbepo gwa būndu nu kubōmba kalikōsa ku gwēne, panongwa yakuti u mbepo gwa būndu lwāli lukindi lwapamwanyapo lwa lukīndi ukukīnda i kinyamana. Lōli u mbepo gwa būndu uyūngi ābagile ukugomokela. Linga ugwe guli na mbepo gwa umpisi yumo, ikyēne kyo bwīputa-misyūka. Lōli Kyala Mwēne ālisile, ukuti u Mbepo Gwāke Mwēne, iki kyo lukindi lwapamwanya fiyo lwa mbepo isi siliko, abagile ukugomokela ukwīsa mu luko lwa lōsyo lwa Mbepo Mwikemo, ukubuka ku mwiputi, ukwīsa mu Lilopa lya Kristi, nu kumwēga umwēne nkati mu Mbili. Umwēne yo aponesigwe!

⁴⁷ Kētēsya. Ililopa lya ngambako ni mbene likābagile ukubomba, ukukēta iliyene lyāli lyonywa. Lilino unko uswe twande ukubala, ukufwana ilinandi lya 12. Umma ndaga. Ililopa lya ngambako ni mbene likābagile ukubomba, pōpe iliyene lyābagile ukuhōmba. Kētēsya.

Lōli u nnyāmbāla uyu, (Yo Nnyāmbāla nki? U bishopu? Umma. U pāpa? Umma.) . . .

Lōli u nnyāmbāla uyu, ukufuma pāpo umwēne . . . āpēle ilikemo limolyēne ku butulwanongwa kuli bwīlamo siku, alinkwitugasya pāsi ku kiboko ikitalusye ikya Kyala;

Ukufuma apa ukugūlila mpaka abalugu bake batendekigewege kyakubīkapo a malundi gake.

⁴⁸ Ngimba umwe mwitendekisye? Ngimba umwe mwitendekisye kuli i Lisyu? Pilikisya ku Iki, polelo une ngulonda umwe ukulileka Ilyene līngile. Pilikisya kifuki.

Kabuno ukwīsa mu kyābupi kimokyēne (komma kyīnja ni kyīnja, komma uluyigo ukufuma luyigo, komma ulukomano ukufuma lukomano, komma lisiku ukufuma lisiku) . . .

Lōli ukwīsa mu kyābupi kimokyēne umwēne abōmbile a-p-ē-l-e-l-ī-s-y-e (abēne babōmbile? Umwēne abōmbile!) . . .

. . . ukwīsa mu kyābupi kimokyēne umwēne abōmbile apēlelisye (ikyo kyo kyākulōnda kya Kyala) *kwa bwīlanabwila bala bābo bakemesigwe.*

⁴⁹ Mwaketa lelo umwe. Ilyo lyo lyāmulo ku bufwe bwa Kristi. Ilyo lyo lyāmulo ku Kalvari. Umwene naloliloli, ni Lilopa Lyake Mwene, ālyulile imbibi syītu, kangi apelelisye kwa

bwilanabwila, abitiki Bake. Polelo, mwa Kristi uswe tukwima kisitakasolo, bapēlelesigwe mu Kuyapo kwa Kyala Mwenemaka. Uswe twe bāndu basusilwa, ni fimanyisyo fyītu twībène; uswe twesa tumanyisigwe ukuti uswe tukufimbilisigwa ukufyuka ku buyo bumo, uswe tukufimbilisigwa ukubomba i kindu kimo. Umma, nkundwe gwangu, icyene kyo nakimo iki ugwe ubombile; icyene kyo iki Kyala ābombile kuli ugwe! Uswe tuli lilino, linga uswe tukwitikisigwa nu lwītiko, uswe tupelelesigwe bwilanabwila mu Kuyapo kwa Kyala.

⁵⁰ Polelo Yeso alinkuti, “Yaga umwe bapēlelēse.” Polelo, icyene kyapelelesigwe kwa bwilanabwila. Kyala, ukwisila mu bufwe bwa Kristi, ifyinja elifu yumo na bamia lwele-na-yumo ifi fikindilepo, umwisyugu, apēlelēse u mwītiki, uyu ālinkētīlēngāni bo lukāli u lwālo lwa kīsu, kwabwilanabwila. Kangi bala bābo Umwene akōlīle, Umwene agōlwīse. “Bala bābo Umwene āmanyīle-ngānila, Umwene akōlīle; bala bābo Umwēne akōlīle, Umwēne agōlwīse; bala bābo Umwēne agōlwīse, Umwēne atalīle abīmike.” Umwēne atēndīke abapelelēse abitiki Bāke!

⁵¹ Lilino kētēsa, unko uswe tugomokele lilino ku linandi lya 1.

. . . ululagilo ukuya nu nsyūngūlu gwa findu ifinunu ukwisa, kangi komma ikifwāni kilakila kya fila ifindu, lukabagilāmo siku na malikemo gala aga gā pigwāga ikyīnja ni kyīnja kingikingi ukupela u gwākwisa ku bupelelesye.

⁵² Kētēsa “kipelelesye,” kyo iki uswe tukuyobelapo.

Kabuno polelo ifyēne āngāli fitikwīma ukupigwa? panongwa yakuti u mwiputi linga āsukigwe kamokene angali akaya nago kangi mma amabyebye aga bonangi.

⁵³ Ngimba ugwe kusanusya fiki? I lisyu mabyebye pala, kangi butalusye, ubusanusi, kyo “kinyonywo.” Kangi linga u nnyambala ikwisa, umwiputi, nubutalusyi, pankyeni pa Kristi, ukukēta ukukubilwa Kwake, kangi umwene akwīyīpa mwēne kwa Kristi, kangi ikuyoba, “O Ntwa Kyala, kakayapo nakamo mwa une aka kabāgīle ukuhōmba, loli une ne lōsa ngusūbila pa Ugwe,” polelo u Mbepo Mwikemo ikwisa mu ndumbula ya mūndu, ililālūsyu lilalila lyo butulwanongwa lihōmbīgwe kwa bwilanabwila, panongwa ya kinyonywo kilikyōsa kya butulwanongwa kyegigwe ukufuma kwa ugwe. Kabuno linga ululagilo lwābagīle ukubōmba ikyo, amakemo gala gakābagīle ukusita kufimbilisigwa ukwimisigwa; lōli ukuya ukuti ilyēne likābagīle ukubōmba ikyēne, Kristi āfimbilisigwe ukufwa, ukututēndēka uswe bapēlelēse.

⁵⁴ Binangu, filipo ifindu fingi fiyo ifi uswe tubagile ukuyoba ikilo iki, ukufwana nu bupēlelēse. Uswe akabalilo kosa tukugela ukukolobola amaso ukufuma ku mundu yumo uyungi, ukutēndēka gwīmwēne itolo paninipo mwīkemoko ukukīnda abēne bali—abēne bali. Lōli linga uswe itolo twākētīle ku

kibonekelo, ilyène lyo lipyāna lya Kyala lyène ukuti uswe twe iki uswe tuli.

⁵⁵ Apa akabalilo kamo aka kakindilepo, mu Ohio, une mmanyile ikimanyilo injila ingafu. Une nāli nu lukomano pāsi mu Ohio, kangi une nītūgasyāga pānja nkīsu. Panongwa ya filūdilo, une ngābagile ukwitūgāsya nkāya.

⁵⁶ Uswe twāfumile pakulya ku kanini kubulilo bwa Dunkard. Kangi bo baganigwa banīni abakīkūlu-bapilafyakulya bo bala, kangi bafwēle nubwīfyūsi, kangi bēlu bomūmo abēne bābagile ukuya, naloli mwabukikulu, balinkutupil'ifyakulya uswe. Ubwēne bwāli buyo ubunini bwa kumwanya, ukulya mbuyo bwa luko ulu. Kubupīyilo kwābo kwāli kwēlu-lōsa. Kangi pa Ndungu abēne bālīgēle mōsa kangi abēne bābūkile ku kipānga kyābo. Une ndinkuya panini gwanjala, une nayaga pakulumbilila Pandungu pamusi.

⁵⁷ Kangi une ndinkubūka ukukilania ku buyo bwamwālwe ubunini . . . itolo ubwupalipōsa ubunini kubulilo bwa kiMerika, ukwēga ikindukimo ukulya. Kangi akabalilo kāko une ndikwīngila mu kifigo, kyo fiki une nāpilike lōli amakina ga njuga gikubūka! Kangi ālimile pala u nnyambala gwa ngulilo yangu, uyu lumo āli nnyāmbāla umwēgi, nu lukōngi lwāke ukusyūngutīla u nkīkūlu, ukukina amakina ga njuga. U lulagilo lwītu lulalula, ubuponesyo bwa bugolofu bwītu, ubwa fyōmbo fyītu, ālimile pala ukōnānga i kindu kila umwēne abagisēne ukuponesya. Panongwa yakuti, ukwene kusingigwe ukukin'injuga mu Ohio, ukukina amakina ga njuga.

⁵⁸ Kangi une ndinkusyumbutuka nukuketa ku nyuma ya kiyumba, balipo ikipambo kya balumiana batubwa, kangi i rekōdi lya kina-tyōnga pa makina, likukina. U nkikulu unkeke gwa fyinja kalongo-na-lwēle mbukusi, fiyo nubwīfyūsi pāsi pa bubīmbigwe bwāke ukuya nkikulu. Lōli umwēne ālimīle pala ni lidiresi lyāke lisololwīke pāsi pa kunkyeni, kangi yumo mwa balumiana bala ni fiboko fyāke pa ndīndwāna, kūko ifyēne fikābagile ukuyako. Kangi abēne bāli bikukwesa nu kunwa.

Kangi une ndinkwinogona, “O Kyala, ngimba Ugwe ubagile bulebule ukwikasya nakyō ikyene?”

⁵⁹ Kangi une ndinkukēta ukukilania ku kililo kyāngu, akabalilo kāko une nāpilike yumo ikutēndēka ukukoloma ukunyāmu. Kangi pala ālitugesye unkikulu nkangale, lumo ifyinja malongo ntāndatu, pamo ifyinja malongo ntāndatu na limo mbukusi. Umwēne āfwēle gila imyēnda iminīni igyaiyolo igyabulogwe, itolo kifuki njila-ya-sinda mmwanya mu malundi gāke, kangi unyōfu gwāke undōndo unkāngāle ugwanginya gwāli itolo gusepetwike bo ugwēne gwābagile ukuya. Kangi umwene āfwēle iki apa imilomo gipakigwe-langi, kangi i kindu ikikesefu ikikulumba pa lubafu lwake, asinguligwe; utulato utunini afwēle, utusāndāsi, ni fyāla-fyammalundi ifikesefu,

fisīnguligwe; ifyala-fyammaboko ifikesefu, fisīnguligwe. Kangi i nywīli syāke syātumuligwe nalōli mbīm̄ba, kangi siniongotoligwe mōsa, kangi sibīkigw'ilāngi bluu. Kangi une nālinkēt̄ile umwēne.

⁶⁰ Kangi ukukilania pa mēsa bālitūgēsye unnyāmbāla babili, bagēle. Yumo mwa bēne (akēne kāli kabalilo ka palumu) ni kijāsi ikinywāmu ikyaiyolo ikwababwīte afwēle, na kafunga akafubifu kaniēmbetelīgwe ukusyūngutīla ilikosi lyāke, kangi indefu mōsa ukukilania ikisyo kyāke, ukubhāga nukukīndilīla. Kangi abēne balinkwiyāya bēne, u nyāmbala yula ābōmbile, ukufuma ku mwēne, nu kwānda ukwēnda pānja bo *ulu*, ku kibusu.

⁶¹ Une ndinkwima pala. Kangi une ndinkuti, “Kyala, ngimba fiki Ugwe utikubongotola ikindu kyosa? Nongwa ya fiki Ugwe utikuyūbika ikylene itolo pāsi pa kīsu?” Une ndinkuti, “Ngimba unnini Sarah kangi Rebekah ayaga pakukula pāsi pa findu bo ifyo?” Une ndinkuti, “Ugwe ubagīle bulebule, Kyala, mu bwīkēmo Bwāko ubukulumba, siku ukwīkasya ukukēta ku kindu bo ikyo, kangi kisita kutuma akasenyenda nu kuyubika ikyeni?”

⁶² Kangi bo une nālimīle pala, nguntobesya u nkīkūlu yula, bo une nāli, une ndinkusōka nyuma kunyuma ku kifigo. Une naalipilike u Mbepo gwa Kyala ikwisa kwa une, kangi une ndinkugomokela kunyuma ku kifigo.

⁶³ Kangi une ndinkukēta ngati ikindukimo kikusyūngutīla. Kangi akabalilo kāko ikyēne kyāli, ikyēne kyāli kīsu kikusyūngutīla ukusyūngutīla nu kusyūngutīla. Kangi bo une ngukētēsya, ukusyūngutīla ikīsu kyāli ndisi unkesefu, ukusyūngutīla ikīsu. Kangi bo une mfikile ku kisu, une ndinkwibona nimwene, itolo undumiana unnini, ngubomba ifindu ifi une ngabagila ukubomba; lumo komma ngati *ulo*, loli ubwene bwāli butulwanongwa. Kangi akabalilo kosa une nābōmbīle kilikyosa, une nāketile ukuti unyungulu unkulumba unywamu gula ukubuka ku Mwanya. Iki, Kyala angali angogile une pa miniti yila.

⁶⁴ Polelo une ndinkukibona pakati pa une na Kyala, limīle pala ilikemo ilipelelesye. Une nālimbwene Umwene imile pala ni mifwa pa ntu Gwake, kangi ukufunyila amata kukusululuka pa kisyō Kyake. Kangi akabalilo kalikōsa imbībi syāngu sikwānda ukubūka kubwa Kyala, Umwēne āfikilāga nu kunyaka iyēne, ngati ikipūlilo kya ligali. Umwēne āmbokāga une ukufuma ku bufwe. Kangi akabalilo kōsa une nābagīle ukubōmba kalikōsa akasōbi, Kyala angali angogile une. Nalōlilōli, u bwīkēmo Bwāke bukulōnda ikyēne. U lulagīlo Lwāke lukulōnda ikyēne. Kangi akabalilo kalikosa une nayaga pakubomba kalikosa, pamo ugwe kubomba kalikosa, i Lilopa Iya Yeso Kristi likubombela bo kyakwīkinylamo. Kangi une ndinkukēta undisi unkesefu gula

gwasanusyaga ikyo, polelo, ukuti i Lilopa likaali likukolelela ikisu.

⁶⁵ Kangi bo une nālīmīle, ngukēta, une ndinkwīsa panīni kifukipo ku Mwēne bo une nālīmmwāgēnie Umwēne. Kangi une nābagīle ukumpilika Umwene ikuyoba, “Tāta, nhobokelaga umwene, umwene akamanya iki umwene ikubomba.” Kangi une ndinkukēta pāsī, kangi pala palinkulāmbalala i būku. Kangi pala ālipo u Gwangumi ugwakusimba pala, kangi imile pa lubafu Lwake. Kangi akabalilo kalikōsa une nātulilw’inongwa, ikyēne kyābīkīgwe pāsī pa būku. Kangi ingamu yāngu yāli pa lyēne. Kangi une ndinkusyagania ukuti ilisiku limo, une...undisi gwa Ilopa gula gukufyusigwaga kangi une ngufimbilisigwaga ukwima mu Kuyapo kwa Kyala, nu bumi bwangu ubwa butulwanongwa. Loli, une ngetile, ukwisila mu kisa Kyake Umwene akolelile ukupīnga u bulongīgwe bwangu.

⁶⁶ Une ndinkubuka ku Mwene, nukwiyīsa. Une ndinkufugama pa fifundo fyangu, kangi une ndinkuti, “O Yeso, Ugwe Mwanundumiana gwa Kyala, une ndi nsitakufwana ukwisa mu Kuyapo Kwako. Lōli ngimba Ugwe ngulāmba kwīsa kunswāga une kuli iki une mbōmbīle?”

⁶⁷ Umwene alinkupalamasya ulubafu Lwake ni kiboko Kyake, alinkwega ilibuku ilyaiyolo nukusimba “uhobokeligwe” pa lyene, alinkusopa ilyēne kunyuma kumbenu Kwāke, kangi imbībī syāngu syākīndīle! Polelo Umwene alinkungetesya une, nubukifuki nkisyo, Umwene alinkuti, “Lilino une nguhobokile ugwe, loli ugwe kulonda ukuntāga umwene.” Polelo une ndinkuketa iki ikyene kyasanusyaga.

⁶⁸ Bo une ngusōka ukufuma mu mboniboni, une ndinkusegelela kwa umwene. Une ndinkuti, “Mubombīle ndaga?”

⁶⁹ Umwene ānwaga. Umwene alinkukēta kwa une, kangi umwene alinkuti, “O, monile.”

Une ndinkuti, “Mbagile une ukwitugasya pasi?”

Umwene alinkuti, “Une ndi nu gwākumbīkīsa.”

⁷⁰ Une ndinkuti, “Une ndikusanusya ikyene mu njila yila, nkikulu. Une ngulonda itolo ukuyoba kwa ugwe, i miniti.”

Umwene alinkuti, “Ulitūgāsya.”

⁷¹ Kangi une ndinkuti, “Nkikulu, itolo amaminiti manini itolo aga gakindilepo, nīmīle kula kunyuma kwa kifigo kila...” Une ndinkwanda ukumbula umwene. Kangi bo une ngwanda ukukēta, amasosī gikwanda ukwendelela mmasaya gake. Kangi umwene aalimbulile une...Une ndinkuti, “Nkikulu, ugwe utikusanusya ukubomba ifindu ifi. Yeso āfwile, kangi u bulongi bwa Kyala bukolīgwe mbupīngigwe ni Lilopa Lyake. Ugwe utikusanusya ukubomba iki.”

⁷² Kangi umwene alinkuti, “Umma, nkulumba.” Umwene alinkuti, “Tāta gwangu āli diakoni nkipanga. Une nāsīlīgwe

mu kâya ka Kikristi. Undume gwāngu na une twāli benekaya basimbigwe, kangî twitūgalāga u būmi bwaKikristi.” Umwene alinkwanda ukumbula une, ukufuma pa bufwe bwake... Umwene ali na balindwana banini babili, kangî umwene alinkubuka mbusobi. Kangî mūmo abalindwana bala bālindekile umwēne, kangî umwēne āsopile pānja ubūmi bwāke. Kangî umwēne ālīnogwine lukālīko nalumo kangî mma u lusūbilo kuli umwēne.

⁷³ Loli une ndinkuti, “Kyala, yaga gwakisa! ‘Bala bábo Umwene āmanyile-ngānila, Umwene akōlīle.’”

Umwene alinkuti, “Ngimba ugwe Ntimi Branham, ukufuma pási pala?”

Une ndinkuti, “Une yone.”

⁷⁴ Umwene alinkuti, “Une ndini soni pa nimwene, ukuti nikele apa bo ulu.” Umwene alinkuti, “Ngimba ugwe kwīnogona ukuti kukuyangapo ulusako kuli une?”

⁷⁵ Une ndinkuti, “Yeso ali ni ngōngi Syake sibāluligwe pānja, ukukugulila ugwe ukuti gwise, nkikulu.” Kangî abandu abangi balinkwanda ukufyuka. Kangî une ndinkuti, “Ngimba ugwe ubagile ukwenda panja apa pa kipalo iki na une?”

Umwene alinkuti, “Une ngubombaga, nkulumba.”

⁷⁶ Une ndinkumwega umwene pa kiboko. Une ndinkuti, “Ugwe uli pa bukusi bwa mama gwangu. Ngimba ugwe ubagile ukufugama apa na une, pa kipālo?” Kangî pala pa kipālo, uswe twabongotolīle ubuyo bula pamusi pala, ku lukomano lwa kabōmbelo-kaiyolo. Kangî Kyala ālīmpokile u nkikulu yula, ni lipyana Lyake. Umwene alinkwīfwika mwene nukwisa ku lukomano, kangî, na mumo une mmanyile, ikwītūgāla u būmi bwa Kikristi ikilo iki.

⁷⁷ Ngimba ikyēne kyo fiki? O, Kyala ikulōnda ubupelelesye! Umwēne ikulōnda ubupīnduko bwāko. Umwēne ikulōnda ukusūbilīgwa ku Mwēne. Lōli Umwēne ikikukēta ikilo iki. Kali bo bwīngi bulebule ugwe gōnāngile, bo bunini bulebule pamo bo bwīngi bulebule, ugwe ukālī uli ntulanongwa, kangî ugwe ukabagila ukwingila mu njila iyingi nayimo loli ukwisila mwa Yeso Kristi, i Likemo lya Kyala ilīkutīsyā-mōsa. Kangî mwa Umwēne ugwe upēlelesigwe bwīlanabwila. Inogona isya ikyēne! Ikyēne kikaya nakimo ugwe kubōmba. Ikyēne kikaya māni amapya ugwe kusanusya. Ubwene bukaya bumi ubupya ugwe kwanda. Ubwene bo bwīlāte bwa busobi bwako, kangî ilipyana lya Kyala kwa ugwe. Ikyo kikutwāla ugwe ku bupelelesye, kangî polelo ugwe upelelesigwe mwa Yeso Kristi.

⁷⁸ Une ngusubila, ikilo iki, mwinangu gwa une, akabalilo kako uswe tuli apa pa kabalilo kapalapala aka akakulumba lilino, akabalilo kāko inyīnogōno sibagile ukutēndekīgwa ukufuma pakupilika akapāngo aka. Umwe mubagile ukuti mukapilikāmo

siku akêne pabutasi. Lōli ugwe ukuabagila ukubūka pānja pa kimo mwa fifigo fila u mūndu yulayula ugwe gwīngile nkati, ugwe kufīmibilisigwa ukusōka pānja nnunupo pamo mbībipo.

⁷⁹ Kangi akabalilo kāko uswe tukwīnamisya imitu gyītu itolo a kabalilo, une ngulōnda ugwe ukwīnogona namaka isya ikyēne. Bule isya moyo gwako ikilo iki? Yeso Kristi áfwile panongwa ya ugwe.

⁸⁰ Ugwe kuyoba, “Nkundwe Branham, akabalilo kako une mbagīle ukuleka ukukwesa, akabalilo kāko une mbagīle ukuleka ukunwa, akabalilo kāko une mbagīle ukugolosya i kindu iki mosa, une ngubombaga ikylene.” O, ikylene kitisakubōmbigwamo siku kanunu. Ugwe utisamo siku ukubomba ikylene. Nongwa ya fiki ugwe utikwisa itolo injila iyi ugwe guli? Kangi, nu lwītiko, būka ku Lusōko lula, ifilōnda Fyāko ifisulule fikupa, polelo ulugano lwakutabula ukuya fūndo yāko, kangi yisakuyaga mpaka ugwe kufwa.

⁸¹ Nongwa ya fiki ukwēga ikyākwīmīlila-mbuyo? Nongwa ya fiki ukugela ukwīngila nkati ukwīsila mu kipānga kyāko? Nongwa ya fiki kugela ukwisa nkati panongwa yakuti ugwe gwālekile ukunwa pamo gwālekile ukusyōba? Isaga mu njila ya bupēlelēsye! “Namanga, ukwīsila mu Likemo limolyēne, Umwēne apēlelisyē bwilanabwila bala bābo aba bakemesigwe.”

“Ngimba une nguyāga bulebule nkemesigwe?”

⁸² Lataga imbibi syako mu Kuyapo kwa Lilopa lya Yeso; kangi u Būmi ubu bukwīsa ukufuma ku Lilopa lila, bukwisa ukugomokela ku mwiputi, kangi bukwīkemesya umwēne ukufuma ku finyonyo fya findu fya nkīsu. Kabuno, ukwisila mu Likemo ilīkutīsye-mosa lila, Umwene atukemesisye uswe; u Mbepo yumoywene, uswe twesa tōsīgwe mu Mbili gumogwene. “Lilino bukwīyapo nabumo ubutobesigwe kwa bene aba bali mwa Kristi Yeso, ku bene aba batikwenda ukukongesya umbili’mma, loli Mbepo.” Linga ugwe kugela ukwēnda ukwīsila mwa Mbepo, kangi pōpe kunyonywa kuli u mbili, i Likemo likāpakīgwe nubwīkutīsye kwa ugwe. Lōli u mwīpūti penepāpo asukīgwe kamokene, akaya kangi mma ni kinyonyo kya butulwanongwa.

⁸³ Yula āli Kalvari. Ubwēne bukaya buyo ukūlīsa amaluba, pamo ubuyo ubunini ukubōmba *iki* pamo *ikyō*. Ubwēne bwāli buyo kūko Kyala nu mūndu basayanisigwe. Ubwēne bwāli buyo kūko ulutēngāno nu buponesigwe ubupēlelēsye bwāt wāligwe ku luko lwa mūndu. Ngimba ugwe ubagīle ukubuka na une, ikilo iki, ntulwanongwa mwinangu, ku Kalvari, kangi nu lwītiko paka Ililopa ili ku moyo gwako gwimwene, kangi itikisya u Mbepo Mwikemo ukwisa nukukemesya ugwe ukwisila mu Kyabupi Kyake ikikulumba?

⁸⁴ Bo uswe tukāli ukusuma, ngimba ugwe ubagīle ukufyūsya ikiboko kyāko kwa Kyala, nukuyoba, “Yaga gwakisa kwa une, Kyala. Une lilino ngulata imbibi syangu syosa, pa Kihano

Ikinunu iki. Kangi une ngupalisya u bukubilwe ubukulumba ubu Kristi abombile kwa une. Une lilino ngulāmbika ubwīgane bwāngu bwanīmwenē, ifyakulōnda fyāngu fyānīmwenē na kilikyōsa, ukukōnga Ugwe ukufima ilisiku ili, ukufuma apa.” Ngimba ugwe kufyusyaga ikiboko kyako, yoba, “Ngumbukilaga une, Nkundwe Branham, ndwiputo. Ilyo lyo līnogòno lya ndumbula yangu”? Ngimba alipo gwēsa, ikilo ikikulumba iki, akabalilo kōsa uswe tukugūlila itolo a kabalilo? Ukukilania apa pa lubafu lwa kyāngu ikiboko-ikililo, naloliloli alipo yumoywēne mubwa mula. Ngimba ugwe uli nīsòni ni mbībi syāko? Ngimba ugwe uli ni soni na iki ugwe ubombile?

⁸⁵ Ikisu ikilo iki kikulondesya abaponjoli. Kangi ikylene kilinabo abaponjoli, ukuyoba mumbili.

⁸⁶ Ilisiku limo kula ku Switzerland, akabalilo kāko aba kiSwisi Switzerland bāli pa bupalapala, akabugutila akanini ka kiSwisi kābūngēne pānja mu migūnda, ukuponesya—ukuponesya ikyūma. A bakulumba ababwīte aba bīsaga bāli bakulumba fiyo kuli abēne; abēne bāli bōsa bamanyisigwe, bāli ni ngwēbo inywāmu ni fisīgilo. Aba kiSwiss bābagile ukubōmba nakimo lōli ukwilāmbika. Abēne bākāmandigwe kunyuma mōsa ku kyāmba kimo. Polelo pala ālipo u mpōnjoli alinkusōkoka pānja. Yūmo āfīmibilisigwāga ukufwa. Kangi linga abēne bātologwe ubwīte . . .

⁸⁷ Abēne bakālinakyo nakimo lōli igyāitolo imilwēembe gya sēngo, kangi amabwe, ingili, ukulwīla nafyo. Akabalilo kāko, ababwīte aba bīsaga bābonekāga balīti kimato kya ngelwa. Linga abēne balyēgigwe, abakasi bābo abanini abaganigwa āngāli bikunyakigwa, abalīndwāna bābo abakeke āngāli bikunyakigwa, abāna bābo āngāli bikugogigwa, imitu gyābo āngāli gikupufuligwa, utwāya twābo āngāli tukīndile, kilikyōsa āngāli kiyōngile.

⁸⁸ Polelo aalipo unnyambala, yu ingamu yo yikwibibigwa mbibimbibi fiyo, ni ngamu ya Arnold von Winkelried. Umwene alinkusōkēla panja, kangi alinkuti, “Nnyambala gwa Switzerland, ilisiku ili une ngupa ubumi bwangu panongwa ya Switzerland.” Umwēne alinkuti, “Itolo pamwanya pa kyāmba kwisīlya kaliko akāya kanini akēlu. Une ndinagwe unkasi yumo na bāna batatu bikungūlila une. Loli abene batisakumbonaga une kangi siku, kabuno, ilisiku ili une ngupa u bumi bwangu kuli Switzerland.”

Abene balinkuti, “Ngimba ugwe kubombaga fiki, Arnold von Winkelried?”

⁸⁹ Umwene alinkuti, “Ngóngesya une, kangi bomba ikinunu ukukinda-fyosa iki umwe mubagile ukubomba nakyo.”

⁹⁰ Kangi umwēne alinkukēta ukukilania ababwīte mpaka umwēne āpāgile pabubililo-fiyo bwa ngwēbo. Polelo umwene alinkusōsya amaboko gake mmwanya, umwene alinkubopela

kuli kibumba ikinywamu kya ngwebo, nu kukúta, “Tëndèka i njila kuli ubwábúke! Tëndèka i njila kuli ubwábúke!” I ngwēbo mia yumo silinkusanuka ukukola ubwíkifye bwāke; umwēne alinkusopa ingōngi syāke pānja nu kusibugutila isyēne nkipāmbāha kyāke mwēne, isi silinkundāsila umwēne pāsi, kangī umwēne alinkufwa pa busōngoke bwa ngwēbo sila. Aba kiSwiss bala balinkunkongesya umwene nu nyūndo ni ngili. Bula ububonesyo ubukulumba bwa bupōnjoli bulinkubasyūngutila ababwīte bala, mpaka aba kiSwiss balinkukoma abēne pānja pa kīsu kila. Kangī abēne bakalímo siku nu bwīte ukufuma ilisiku lila, ukufuma pala.

⁹¹ Ima mmwanya mu Switzerland ni ngamu ya Arnold von Winkelried, ugwe kwisakukēta amasosi gikusulula mmasaya gābo. Nongwa ya fiki? Umwēne āpokile ikīsu kyābo. Yula āli mponjoli unkulumba nalōli. Ubwēne bo lumolumo bukufwānikisigwāmo nabo, kangī bukakīndigwāmo siku, mu kīsu iki.

⁹² Lōli, o, ikyēne kyāli kindu kinini iki kyāboníke ilisiku limo! Akabalilo kako u luko lwa Adamu lwālīmīle, imisyétano gikuya nkati ukufuma ku lubafu lulilosa, abasololi bātōligwe, ululagīlo lwātōligwe, ilikemo lya ngambako na bakang’ōsi lyātōligwe, ikipeligwa kya mūndu kyātōligwe, kilikyōsa. Kangī aka luko akanini ka Adam kālīmīle, kapōnjoligwe; kanāndipo mu mbalilo na bōhēsī, inyīho, ububine, imbūngo. Ālipo Yumo alinkusōka panja ukufuma ku Mwanyā, kangī alinkuti, “Ilisiku ili une nisakufwa panongwa ya luko lwa Adam.” Umwēne alinkwīsa ku kīsu kangī alinkupeligwa mbili. Umwēne alinkukēta kulakula pāsi kūko pakati pa ngwēbo syāli syangīsī-fīyo. Bu bwāngīsī bulabula ubwa fyakutilisya fya mūndu bwāli bufwe, kangī Umwēne ālyēgīle u bufwe mu kipāmbāga Kyāke. Kangī pa Kalivari Umwēne āhōmbīle ilikemo, kangī alinkulāta, “Tëndèka injila kuli Bwābúke!”

⁹³ Kangī Umwene ikukuuta ku Kipanga Kyake, “Ega Iki iki une ngulekile ugwe, i Lilopa Lyangu na Mbepo Gwangu, nukulwa na kyōsa iki ugwe uli nakyo.” Uswe tubagīle ukupōnjola ikilo iki, ukwisila mu Kila, mwīnāngu. Ugwe ubagīle ukuguta u mōhēsī ukufuma kwa ugwe. Undugu aligwesa ugwaiyolo uyu ali mbumi bwako, ikyene kibagīle ukugutīgwa panja ni Lilopa na Mbepo gwa Kristi, kangī ugwe ubagīle ukwima mpelelesye mu Kuyapo Kwake. Kristi apelile injila!

⁹⁴ Ngimba ugwe ubagīle ukubomba bo ulu fyusya ikiboko kyako ku Mwene, nu kuyoba, “Nswaga une”? Kyala akusaye ugwe, nkundwe. Umunduyumo uyungi, “Yaga gwakisa kwa une, Kyala, une lilino ngwilata ubusobi bwangu”?

⁹⁵ Ngimba balipo bamo abalungule ba kipanga aba bikubuka ku kipanga ilisiku lililyosa, kangī lumu bikugela ukuya bīputipūtī mūmo babagīle ukuya, lōli napāpo ugwe

umēnye ukuti ingalalisi nu kusitakupāšya, nu bwīmi, isumo sikukubanīlila ugwe pāsi mpaka ugwe utikuya nu bupōnjōli? Ngimba ugwe ubagile ukulōnda ukwēlusigwa ni Lilopa, ikilo iki, ukufuma ku fyōsa ifyo? “Kabuno umwiputi linga āsukigwe kamokene akaya nago amabyebye agakongelelapo. . .” Ngimba ugwe kulonda ukufyūšya ikiboko kyāko, ugwe mbakasya ya kipānga? Kyala akusaye ugwe, nkikulu. Fyusya ikiboko kyako nu kuyoba, “Nkundwe Branham, ngumbukilaga une ndwiputo.” Kyala akusaye ugwe, nkikulu. Uko ko kutalusya. Ikyo kyo naloliloli. . . Ikyo kyo kindu ikyanaloliloli ukubomba. Kyala akusaye ugwe kunyuma kula, nkulumba.

⁹⁶ Umunduyumo uyungi fyusya ikiboko kyako, yoba, “Yaga gwakisa kwa une, Kyala. Une mmenye une ngwīyobela i Kikristi, loli une ndikwītūgala ikyene. Une mmenye une ndikubōmba. Kangi mu ndumbula yāngu, une naloliloli ngaya kanunu na Ugwe. Une ngulōnda ukuya yumo gwa basaligwa ba Kyala. Une ngwipilika mu ndumbula yangu ukuti une ndi, loli une ngabīkamo siku pa lubafu amabusito aga gikubōmba nubupepe fiyo gikumbesya une. Kangi une ngulonda ukugabika agene pa lubafu ikilo iki. Kangi, ni lipyana lya Kyala, une ngubombaga ikyene. Nyīputila une.” Ngimba ugwe ubagile ukufyusya ikiboko kyako? Kyala akusaye ugwe, nkikulu. Umunduyumo uyungi. Itolo panandi, uswe tukugulila.

⁹⁷ Akalabalilo kōsa uswe tukugūlila mwakimyemye, aligwēsa lilino ni mitu gīnu gīnamisiḡwe mu lwīpūto, nubutōfu ng’ung’usya iki lilino:

Yilipo i Nyibuko yiswile ni Lopa,
Likwabigwe ukufuma mu Ndepa sya
Immanueli,
Kangi abatulanongwa bikwiyubika pasi pa
yāke. . .
Bikutāga amanona gabutobesiḡwe gābo gōsa.
Bikutaga. . .

⁹⁸ Ngimba umwe mutikwinogona ikyene ukwāndisya itolo lilino? Komma ukugela ukusugusula ikyene ukusōsyāpo. Kristi ali pa kiboko kyāko.

⁹⁹ Pilāti āgelile ikyene, ulubunju ulu, ukufwana isala ya ntāndātu; loli amaboko gake gakāli gālilopa, gātobesiḡwe gālilopa. Umwe mumenye iki kyābonīke ku mwēne. Umwēne ābūkile mmwanya mu Switzerland, ifyīnja fingi fiyo, āsyūtīle ilinogono lyāke, alinkwītāga mwēne ku bufwe nkitubwi kya mīsi. Ulubunju ulu, mu Switzerland, abamia ba bāndu bikwisa ukukētēsya pa buyo bula, amīsi ga bluu gikukina mmwanya ukufuma kūsi kwa kibwīna ikinywāmu kila ikya mīsi. Abene bikubomba ikyene ikyinja kilikyosa. Akene ko kapango akakulu, abene bikuyoba ukuti Kyala ākānile a misi ukusuka amaboko gake.

¹⁰⁰ Nkundwe, kali kalinga aka ugwe gosigwe, kilikyosa iki ugwe kugela ukubomba, nakimo kisa kusuka amaboko gâko lôli i Lilopa Iya Kristi. Kyala âkânile ikyene. Kangi a misi ga bluu, bo fikindilepo ifyinja maelifu mabili, kifuki, pópe gikukina mmwanya. Kyala âkânile ikyène. U bwâko ubugolofu-bwa-gwîmwène bukabagila ukwêlusya imbîbi syâko. Nakimo lôli i Lilopa Iya Yeso! Inogona isya ikyène lilino. Uswe tukuyaga pakwîputîla, itolo pakabalilo.

¹⁰¹ Une nguswiga linga une mbagile ukulâlusya ikindukimo ikilo iki. Akabalilo kâko Umwène âlîmîle pala ku bulongi bwa Pilati, ulubunju ulu, kangi alinkuti, “Linga i Kitangalala Kyângu kyâli kya kisu iki, Une nâbagile ukuyoba kwa Tâta Gwângu kangi nukutalula Umwène âbagile ukundumila Une abalagili-ba-mia kalongo na mabili ga Bândûmi.” Akabalilo kâko, yumo gwa bêne âbagile ukônânga i kîsu. “Une ângâli ngu yoba kwa Umwène, kangi abalagili-ba-mia kalongo na babili ba Bândûmi bâbagile ukuya palapalapa ku bubômbelo Bwângu.” Umwène âbagile ukubômba ikyène. Loli Umwene alinkwima pala, gwakwilambika kangi gwakwiyisya, ukwega ubufwe bwako nu kwega imbibi syako.

¹⁰² Ngimba ugwe kuyaga gwakupalisya ukufwana panongwa ya Likemo lila ikilo iki, umwe mwe muli bafûmbwe ba ikyène, kangi bafûmbwe ba sayo sya Kyala, ngimba umwe mukwîmililâga pa malundi gînu panongwa ya lwîputo ulu? Itolo imilila pa malundi gako, ugwe gwe kulonda ukukumbukiligwa ndwiputo ulu, yoba, “Kyala, yaga gwakisa kwa une. Une ndobesîgwe, une mbômbîle ifindu ifisobi, kangi une lilino ngulônda ukwîtikîsya uluhobokelo lwângu ukwisila mwa Kristi Yeso.” Ngimba ugwe kwisaga pa malundi gako itolo pa kabalilo aka? Kyala akusaye ugwe, nkikulu ntubwa. Ubo bo bukifu. Itolo syâla gwîmîle pala.

¹⁰³ Ngimba ugwe kusanusya ukumbula une ugwe ufyusisye ikiboko kyako, kangi polelo komma ukuya gwabwanalolindumbula ukufwana ukwima pa malundi gako? Kyo kinununki iki Inongwainunu yibombilêmo siku kwa ugwe? O, u luko ulu lukukina ni kipanga, ukukina na Kyala! Isala yili kifuki, limo mwa masiku aga i bomu Iya atomiki likukoma ukusyungutila apa pabuyobumo, mu yimo mwa ifi ififakitale fya lufûmbi. Patisakuyapo na kamokene akapatu ka sekôndi ukwînogôna ikyène ukwândisya. Ukwène kwîsa kuya kwîlile fiyo akabalilo kala, kangi lumo bo akâli u Pâsa unkônge, pamo yôpe nu Pâsa uyu. Ngimba ugwe utikwima lilino, yoba, “Kyala, yaga gwakisa kwa une, untulwanongwa. Une lilino ngwitikisya Kristi, ukwisila mu kwîyîpa Mwene ukuya kyakupyanikisyapo pa mbibi syangu. Kangi ukwisila mu lipyana Lyake, kangi ilipyana Lyake Iyene, une ngwitûgasya mu Kuyapo kwa Kyala.” Ngimba ugwe kwisakulâta ubusobi bwâko? Umwène yûyo isakufisa imbîbi syâke atisakukaba. Umwène yûyo ikulâta u

butulwanōnga bwāke, ali ni kisa. Ikyēne kyo kili kwa ugwe. Umwēne ikukētēšya.

¹⁰⁴ Lilino, u Ntwa gwītu u Nsayigwa, mu mbalilo indalusye ikilo iki pikwīma imyōyo igyakwiyisya mitatu, u nnyāmbāla yumoywēne na bakikulu babili.

¹⁰⁵ Mūmo une ngwīnogonēla, Ntwa, isya Kalivari, akabalilo kāko yumo pa lubafu lumo, alinkuti, “Ntwa, ngumbukilaga une akabalilo kako Ugwe kwisa ku Kitangalala Kyako”; u yūnngi yula ātile, “Linga Ugwe guli, unko uswe tukēte i kīka, twēga uswe ukusōkapo pa kipīngika kangī ipoka Gwīmwēne.” Kangi uyungi yumo alinkuti, “Kyala, yaga gwakisa kwa une.” Kangi u ntu Gwāko gulinkusyūmbutuka ku lubafu lwāke ulutalusye, kangī ulinkuti, “Umwīsyūgu gwīsa ugwe kuyaga na Une mwa paradiso.” Loli Ugwe gwali kimyemye ku nnine yula, panongwa yakuti lukalipo ulupinduko.

¹⁰⁶ Kangi, Tāta Kyala, une ngusuma ukuti aba lumo... Une ngusūbila ukuti abēne bo batatu itolo mu kiyumba, aba bikwīpilika ukuti abēne nalōli bikufūmbwa ukulāta isobi syābo. Lōli ukuti abēne bīsile i njila inyīkutīsye-mōsa, iya njila ya kipīngika. Baswaga abēne, Ntwa, kangī basaya abēne. Abēne bīmīle apa ikilo iki; bomūmo Ugwe gwālīmīle abēne, mu lubīngilo lwa bulōngi lwa Pilati; bo Ugwe gwālīmīle kuli abēne, pakati pa Kumwanya na pāsi, akabalilo kāko ilisuba lyābūkīle pāsi kangī umwēsi gukābagile ukupa ubwēlu bwāke, kangī ikikīngo kya tempeli kilinkulepukana ukufuma pa mwanya. Une ngusuma, Kyala, ukuti Ugwe kudasayaga abene nu kubapa abēne ifya kisa Kyako, nu kusuka abene ni Lilopa Lyako. Kangi osya abēne ukwisila mu Maka Gāko agakukemēšya, mu Mbili gwa Mwanundumiana Gwāko Mwēne, Kristi Yeso, polelo abēne bakyūngigwe kuli akabalilo na Syēpwa. Sayaga abangi aba bikwīpilika ukuti abene bo bosa batalusye, ukuti abene batalile bafwānikisye iki kangī bābombile lūlo. Une ngusuma ulusayo ulu ku bene, mu Ngamu ya Kristi. Ameni.

¹⁰⁷ Kyala abasaye umwe. Kangi umwe mwe mwīmīle kifuki ku bala bābo bāfyūkile mmwanya, fikilāga kula kangī ponania amaboko gābo, umunduyumo, kangī yoba, “U Ntwa akusaye ugwe,” uko ko kotalusya, ukuya kiboko kya bulilanisi.

¹⁰⁸ Uswe tuli lilino itolo panini tukābile mu ngomano syitu. Balinga bangānile u Ntwa Yeso? Fyusya ikiboko kyako. Une nguswiga, mu kimyemye lilino, pamo itolo kimyemye mumo uswe twābagīle, mu lukumbusyo lwa Umwēne Uyu yo njepoposaposa, uyu alī apa ikilo iki, linga uswe twābagile ukwīmba nubutofu:

Ikyene kyāli pasi pa kipingika kuko u Mpoki
gwangu āfwile,
Kula panongwa ya kusukigwa ku mbibi une
nākūtīle;

Kula ku ndumbula yangu... (Akabalilo kako ugwe ufwanikisye indalusyo, ulambalike amaboko pa Kyene,) Pala ku ndumbula yangu i Lilopa lyāpakígwe;
O, lwīmiko ku Ngamu Yāke!

Unko uswe twīmbe nubutofu lilino, bo uswe tukwīnamísya imitu gyītu ku Mwēne.

Kula ku kipingika kuko u Mpoki gwangu āfwile,
Kula panongwa ya kusukígwa ku mbībi une nākūtīle;
Kula ku ndumbula yāngu i Lilopa lyāpakígwe;
Lwīmiko ku Ngamu Yāke!
Lwīmiko ku Ngamu Yāke! (Ngamu Imbala!)
Lwīmiko ku Ngamu Yāke imbala!
Kula ku ndumbula yāngu i Lilopa lyāpakígwe;
Lwīmiko ku Ngamu Yāke!

¹⁰⁹ Lilino mwakimyemye, ni mitu gyinu ginamisigwe. Umwe mwe mupokígwe, yoba:

O . . .

Fyusya ikiboko kyako lilino.

O, Nyībúko imbala iyi yikupoka ukufuma ku butulwanongwa!
Une nhobwike fiyo une ningíle nkati;
Kula Yeso ikupoka nu kungyūnga une mwēlu;
Lwīmiko ku Ngamu Yāke!
Lwīmiko ku Ngamu Yāke imbala!
Lwīmiko ku Ngamu Yāke imbala!
Kula ku ndumbula yāngu i Lilopa lyāpakígwe;
Lwīmiko ku Ngamu Yāke!

¹¹⁰ Lilino na maboko ginu pāsi, imitu gyīnu gīnamisígwe. Une itolo nālinogwīne; umundu yumo ābilikīle akabalilo kanini aka kakindilepo, kangī alinkuti yumo ālondaga ukukumbukiligwa ikilo iki ndwiputo, panongwa ya mbili gyabo. Abene balinkutoligwa ukugomokela ku lukomano lwa Ndungu nkilo, ku bubombelo bwa bubumbulusyo ubukulumba. Ngimba ugwe ubagile ukwima pa malundi gako, ugwe gwe kulonda ukukumbukiligwa ndwiputo lula itolo lilino?

. . . ku ndumbula yāngu i Lilopa lyāpakígwe;
Lwīmiko ku Ngamu Yāke!

Lwimiko kwa . . .

¹¹¹ Lilino ni mitu gyinu ginamisigwe. “Umwēne āfulasígwe panongwa ya ngilanio syako, ākuyubulígwe panongwa ya butulwanongwa bwāko, u lufundo lwa lutēngano lwāko lwāli pa Mwēne, kangī ni fulale Syake ugwe gwābumbulusígwe.”

Lwīmiko ku Ngamu Yāke!

¹¹² Lilino, Tāta Nsayigwa, bo uswe nukwiyīsyā tukusegelèla ku kipingika itolo lilino, kūko ipyana ni kīsa fyālīnyāgīle une, kula i Mmulike kangī Ndondwa Yakulubūnju yikumulika imulike Syāke ukusyūngūtīla une. Ababine aba bimile mu Kuyapo Kwako. Abēne bikwītīka itolo lilino, ukuti nu lwītīko, abēne bikukēta ku nyuma ifulale yila, kula. “Kangi ukwisila mu fulale Syake uswe twabumbulusigwe.” Gwakukinda Tata Mwikemo, uswe tukwisa ukulāta ulwitiko lwitu, ukwitika ukuti Ugwe kubumbulusya imibili gyitu imibine, ukwisila mu bukulumba ubukubילו ubwawīmīlīli bwa Ntwa Yeso. Kangi uswe tukupa kuli bāndu aba bīmīle, u lwīpūtō lwa lwītīko, ukuti Ugwe gwāfīngīle ukupoka ababine. Kangi uswe, palikimo, ukuya kīyabo kya bitiki Bako ikilo iki. Ugwe gwātīle, “Kulikosa babili pamo batatu bībūngēnie, une nisakuyaga pakati pabo.” Kangi uswe tukusūma ikisa kuli abēne, ukuti i pyāna Lyāko libagīle lilino ukupalamasya u mōyo gwābo gwānkati-fīyo, ukuti ikīndukimo kisa kungīmīsyā kubutali kūsī mbusolofu; ukuti abēne bisakumanya ukuti Kristi ali apa kangī ayobīle ku bēne, ikuyoba, “Mwana gwa Une, une negile ububine bwako kula ku Kalvari. Lilino itolo tāga syōsa i mbākīsyō syāko pa Une, kabuno Une ngukupākīsyā ugwe.” Kangi abene balibumbulusigwaga, mulimōsa mahala gosa, kabuno uswe tukusuma ikylene mu Ngamu ya Yeso. Amenī.

¹¹³ Kangi akabalilo kako abene bikwītūgāsya pāsī lilino, umunduyumo kifuki ku bene, bīka amaboko ginu pa bēne, umunduyumo uyu abīputilaga abēne. I Bāngeli lyāyobīle, “Abene bisakubikaga amaboko gabo pa babine; abene bisakubumbulukaga.” U Ntwa akusaye.

¹¹⁴ Linga une ngasoba, une ndikukēta u nnyambala uyu ābumbulusigwe apa amasiku mabili aga gakindilepo, pamo u Milungu mibili igi gikindilepo, uyu āli gwāmapuli pamo ikīndukimo mu mbulukutu? Une ngukubona ugwe kwīkyēla u lukomano ikilo iki. Ugwe kumbilika une kanunu itolo lilino? Ikyo kyo kinunu. Kinunu! Itolo ima pa malundi gāko itolo pa kabalilo. Balinga bikukumbukila umwene ukuya apa? Kangi umwene alinkukinda pa lukindi lwa lwiputo, balinkuntwala umwene ukugomokela ku kigemo, kangī u Ntwa alinkumbumbulusya umwene nukuntendeka umwene ayege kanunu. Asayigwege u Ntwa! Ndaga ugwe, nkundwe, panongwa ya buketi bwāko. Ikyēne kyābagīle ukuya ukukīndamo ba kalongo-na-babili! Lōli ngimba Umwēne akaya nswigīsyē?

¹¹⁵ Lilino, uswe tukulonda ukukubona ugwe kilabo nkilo, ukwandana. Kangi polelo pa Ndungu ndubūnju, ukwāndāna. Pandungu pamūsī, kangī linga umwe mubagīle ukugomokela kuli ububōmbēlo bwa bubūmbulusyo Pandungu nkilo. Mpaka uswe twagane, uswe tubagīle ukwīma nukwimba ulwimbo lwitu ulwakusātīla, *Ega Ingamu ya Yeso Na Ugwe*.

Ega i Ngamu ya Yeso na ugwe,
Mwana wa busulumanie ni soka;
Iyene yīsa ubuhofu nu lusūbisyo. . .

Syumbutuka itolo ukusyungutila kangi kola ifiboko lilino na aligwesa.

Ega Iyene kulikosa ugwe kubuka.

Ngamu Imbala. . .

Syumbutuka itolo ukusyungutila kangi kola ifiboko.

. . . O mumo bunyafu!

Lusubilo lwa kisu kangi buhofu bwa
Kumwanya;

Ngamu Imbala, (Ngamu Imbala!) O yo
nyafunki! (Yo nyafunki!)

Lusubilo lwa kisu kangi buhofu bwa
Kumwanya.

Lilino keta injila iyi.

Pa Ngamu ya Yeso tukwinama,
Tukugwa bukupame pa malundi Gake,
Mwalafyale gwa banyafyale ku Mwanya
twisakumfwika ingiga Umwene,
Akabalilo kako ubulendo bwitu bumalike.

Ngamu Imbala, O yo nyafunki! (O bunyafu
buki!)

Lusubilo lwa kisu kangi buhofu bwa
Kumwanya;

Ngamu Imbala, O yo nyafunki! (Bunyafu
buki!)

Lusubilo lwa kisu kangi buhofu bwa
Kumwanya.

¹¹⁶ Lilino kumbukilaga i kwāya ya Neville, ukufumusya kwa bīmbi-bana ndubūnju, WLRP, pa sala ya buhano-na-buna. Kangi Nkundwe Stricker ikwisa ku sala ya lwele-na-yimo na malongo-mana-na-sinda, ulubunju lwa Ndungu. Nātēndekāga i tepi kuli umwēne pamusi apa, pa busyūke.

¹¹⁷ Kangi lilino, mpaka uswe twagane kangi, isayo sya Ntwa siyeye na umwe, bo uswe tukwīnamīsyā imitu gyītu. Kangi une nguyaga pakunsuma umwinangu unnunu nu nkundwe, Nkundwe Palmer, ukufuma ku Macon, Georgia, linga umwēne isakusātīsyā ikilundilo mu lisyu lya lwīpūto, bo uswe tukwīpūta. Nkundwe Palmer. 🐼

57-0419 U Bupēlelèsye
Kitembe Kya Branham
Jeffersonville, Indiana U.S.A.

KYANGONDE

©2024 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Ukusasania isya kwegelelakwegelela

Ukusoka isya kwegelelakwegelela. Ubwabuke bosa bukanisigwe. Ilibuku ili libagile ukubindikisigwa mfikalatasi pa kompyuta ya kunyumba ukuti ufibombelege imbombo yuyugwe pamo ukubayabilako abangi, kisita kuhombigwa, fiyege fyombo fyakubombela imbombo pakusasania Inongwa inunu isya Yeso Kristi. Ilibuku ili likabagila ukuulisigwa, pamo ukubindigwa ukuti gayege mingimingi, pamo ukusanusigwa pa webusaiti, pamo ukubikigwa mmakina agakusungasunga, pamo ukusanusigwa mu ndimi isingi, pamo ukulibombela imbombo iyakusyagilamo ihela kisita kwitikisigwa mwakalata unsimbigwe ugwa Voice Of God Recordings®.

Linga kulonda upilike inyingi pamo ifyombo ifingi ifi filipo ulisimbilaga ku:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org